

Na osnovu Odluke o usvajanju Programa utroška sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ („Službene novine Federacije BiH“, broj: 56/26), Vlada Federacije Bosne i Hercegovine objavljuje

JAVNI POZIV

za podnošenje prijava za dodjelu sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ i Dokumentaciju za provođenje javnog poziva

I – PREDMET JAVNOG POZIVA

Predmet ovog Javnog poziva jeste podnošenje prijava za dodjelu sredstava utvrđenih Budžetom Federacije Bosne i Hercegovine za 2026. godinu („Službene novine Federacije BiH“, broj: 6/26), na razdjelu 12, glava 1201-Vlada Federacije Bosne i Hercegovine, Program - Stručna podrška Vladi Federacije Bosne i Hercegovine i radnim tijelima, ekonomski kod 614300 - „Tekući transferi neprofitnim organizacijama – Sportske igre mladih“.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u Bosni i Hercegovini i podzakonskih akata koji se primjenjuju u Federaciji Bosne i Hercegovine.

II – SVRHA PROGRAMA

Svrha Programa utroška sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine na poziciji „Tekući transferi neprofitnim organizacijama – Sportske igre mladih“ je:

- organizacija i realizacija sportskih aktivnosti za djecu i mlade,
- promocija zdravih stilova života i masovnog bavljenja sportom,
- realizacija sportskih manifestacija koje uključuju jedinice lokalne samouprave,
- organizacija kvalifikacionih, regionalnih i završnih takmičenja,
- finansiranje troškova prijevoza, sportske opreme i logističke podrške,
- poticanje inkluzije i ravnopravnog učešća djece iz osjetljivih i ranjivih kategorija u sportskim aktivnostima.

III – FINANSIJSKA SREDSTAVA

Ukupan iznos raspoloživih sredstava koji se može dodijeliti je 350.000 KM, od čega se na ime administrativnih troškova može pravdati iznos do 10% vrijednosti sredstava dodijeljenih od strane Vlade Federacije Bosne i Hercegovine.

IV – PRAVO UČEŠĆA

Prijavu na Javni poziv mogu podnijeti udruženja i fondacije registrirane za obavljanje djelatnosti u oblasti sporta, koja imaju iskustvo u realizaciji sportskih programa za djecu i mlade na području više jedinica lokalne samouprave, te koja imaju uredno finansijsko poslovanje, bez dospelih a neizmirenih obaveza po osnovu javnih prihoda.

V - KRITERIJ ZA RASPODJELU SREDSTAVA I NAČIN VREDNOVANJA POJEDINAČNIH KRITERIJA

Sredstva se raspodjeljuju na osnovu sljedećih kriterija:

- a) obuhvat učesnika, pri čemu program uključuje najmanje 1.000 učesnika ili se realizira u najmanje 10 jedinica lokalne samouprave;
- b) teritorijalna zastupljenost, pri čemu se program realizira na području najmanje 3 kantona;
- c) kontinuitet realizacije programa, pri čemu organizator ima najmanje 2 godine iskustva u realizaciji sličnih programa;
- d) učešće jedinica lokalne samouprave, koje podrazumijeva finansijsko i/ili logističko učešće najmanje 3 općine ili grada;
- e) finansijska konstrukcija programa, koja podrazumijeva jasno definisan budžet sa učešćem sredstava iz drugih izvora u iznosu od najmanje 20%;
- f) kvalitet i sadržaj programa aktivnosti, koji uključuje razrađen plan realizacije sa jasno definisanim ciljnim grupama i aktivnostima;
- g) transparentnost i izvještavanje, koje podrazumijeva obavezu javne promocije aktivnosti i dostavljanja narativnog i finansijskog izvještaja o utrošku sredstava;
- h) uključenost djece iz osjetljivih i ranjivih kategorija, što podrazumijeva učešće djece sa invaliditetom, djece iz socijalno ugroženih porodica, djece iz ruralnih i marginaliziranih sredina, kao i drugih kategorija u riziku od socijalne isključenosti, uz obavezu prilagođavanja programskih aktivnosti njihovim potrebama.

Vrednovanje i ocjenjivanje vrši se primjenom kriterija iz prethodnog stava, pri čemu ukupan broj bodova iznosi maksimalno 100 bodova.

Pojedinačni kriteriji vrednuju se i ocjenjuju na sljedeći način:

- a) Obuhvat učesnika (maksimalno 15 bodova):
Ispunjenje minimuma od 1.000 učesnika ili realizacija u najmanje 10 jedinica lokalne samouprave (JLS) vrednuje se sa 10 bodova. Za svakih dodatnih 100 učesnika ili svaku dodatnu JLS dodjeljuje se po 1 bod, do maksimalnih 15 bodova.
- b) Teritorijalna zastupljenost (maksimalno 10 bodova):
Realizacija programa na području najmanje 3 kantona vrednuje se sa 8 bodova. Za svaki naredni kanton u kojem se program realizira dodjeljuje se dodatni 1 bod, do maksimalnih 10 bodova.
- c) Kontinuitet realizacije programa (maksimalno 10 bodova):
Minimalno iskustvo od 2 godine u realizaciji sličnih programa vrednuje se sa 8 bodova. Za svaku narednu godinu dokazanog iskustva dodjeljuje se po 1 bod, do maksimalnih 10 bodova.
- d) Učešće jedinica lokalne samouprave (maksimalno 15 bodova):
Dokazano finansijsko i/ili logističko učešće minimalno 3 općine ili grada vrednuje se sa 10 bodova. Za svaku dodatnu uključenu općinu ili grad dodjeljuje se po 1 bod, do maksimalnih 15 bodova.

- e) Finansijska konstrukcija programa (maksimalno 10 bodova):
Jasno definisan budžet sa učešćem sredstava iz drugih izvora u minimalnom iznosu od 20% vrednuje se sa 8 bodova. Za svakih dodatnih 5% sufinansiranja iz drugih izvora dodjeljuje se po 1 bod, do maksimalnih 10 bodova.
- f) Kvalitet i sadržaj programa aktivnosti (maksimalno 15 bodova):
Vrednuje se ocjenom Komisije na osnovu detaljnosti plana realizacije, opravdanosti postavljenih ciljeva i jasne definisanosti ciljnih grupa, u rasponu od 0 do 15 bodova.
- g) Transparentnost i izvještavanje (maksimalno 10 bodova):
Vrednuje se ocjenom Komisije na osnovu predloženog plana javne promocije i metodologije finansijskog izvještavanja, pri čemu se za potpunu i jasnu strukturu dodjeljuje maksimalnih 10 bodova.
- h) Uključenost djece iz osjetljivih i ranjivih kategorija (maksimalno 15 bodova):
Vrednuje se ocjenom Komisije na osnovu predloženog procenta učešća i konkretnih mjera prilagođavanja aktivnosti djeci sa invaliditetom, djeci iz socijalno ugroženih porodica i marginaliziranih sredina, kao i drugih kategorija u riziku od socijalne isključenosti, u rasponu od 0 do 15 bodova.

Prijave koje prilikom vrednovanja ne ispunjavaju minimalne uslove definisane u tačkama a), b), c), d) i e), smatrat će se neispunjavajućim i neće biti uzeti u obzir za konačnu raspodjelu sredstava. Naknadne dopune prijave neće biti dopuštene.

VI – VREMENSKI PERIOD ZA KOJI SE JAVNI POZIV RASPISUJE

Javni poziv se raspisuje za 2026. godinu do roka za podnošenje prijave za dodjelu sredstava.

Odluka o raspodjeli i dodjeli sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ bit će objavljena u „Službenim novinama Federacije BiH“ i na službenoj internet stranici Vlade Federacije Bosne i Hercegovine fbihvlada.gov.ba, što se smatra službenim obavještenjem svih podnosilaca prijave o izboru.

VII – OBAVEZNA DOKUMENTACIJA POTREBNA ZA PRIJAVU NA JAVNI POZIV

Obavezna dokumentacija potrebna za prijavu na Javni poziv definisana je u tački b) X Dokumentacije za provođenje javnog poziva.

VIII – KOMUNIKACIJA

Za provođenje Javnog poziva zadužena je Komisija za provođenje postupka raspodjele i dodjele sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“, imenovana rješenjem sekretara Vlade Federacije Bosne i Hercegovine, broj: 08-30-869/2026 od 25.07.2026. godine.

Sva pojašnjenja i upiti vezani za provođenje Javnog poziva mogu se poslati isključivo putem adrese elektronske pošte za primanje akata: pisarnica@fbihvlada.gov.ba, uz napomenu da se upit podnosi Komisiji za provođenje postupka raspodjele i dodjele sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“.

IX – OSTALE INFORMACIJE

Svaki član Komisije za provođenje postupka raspodjele i dodjele sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ je prije početka rada bio dužan potpisati izjavu o nepostojanju sukoba interesa i izjavu o nepristrasnosti i povjerljivosti, te u slučaju mogućeg sukoba interesa dužan je obavijestiti sekretara Vlade Federacije Bosne i Hercegovine i zatražiti isključenje iz rada Komisije. Podnosioci prijave imaju mogućnost Generalnom sekretarijatu Vlade Federacije Bosne i Hercegovine prijaviti sumnju na postojanje sukoba interesa člana/-ova Komisije.

X – NAČIN OBJAVLJIVANJA I ROK ZA PODNOŠENJE PRIJAVA

Obavijest o javnom pozivu će biti objavljena u dnevnim novinama „Oslobođenje“ i „Večernji list“, a cjelovit tekst javnog poziva zajedno sa Dokumentacijom za provođenje javnog poziva i Obrazac za prijavu programa ili projekta se može preuzeti na službenoj internet stranici Vlade Federacije Bosne i Hercegovine fbihvlada.gov.ba.

Krajnji rok za dostavljanje prijave je 15 (petnaest) dana od dana posljednje objave javnog poziva.

Prijave se dostavljaju u zatvorenoj koverti, preporučeno poštom ili se lično predaju na adresu:

VLADA FEDERACIJE BOSNE I HERCEGOVINE
GENERALNI SEKRETARIJAT VLADE FEDERACIJE BOSNE I HERCEGOVINE
Komisija za provođenje postupka raspodjele i dodjele sredstava utvrđenih
Budžetom Federacije Bosne i Hercegovine za 2026. godinu Vladi Federacije Bosne i
Hercegovine po Programu – Stručna podrška Vladi Federacije Bosne i Hercegovine i
radnim tijelima na poziciji „Tekući transferi neprofitnim organizacijama – Sportske
igre mladih“
Hamdije Čemerlića 2
71000 Sarajevo

sa naznakom:

„Prijava na javni poziv za dodjelu sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“-NE OTVARAJ“

(Na poledini koverta obavezno navesti naziv podnosioca prijave, tačnu adresu i broj telefona).

Broj: 06-11-403-3/2026
Sarajevo, 25.07.2026. godine